

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Broj: 02-45-4687/22
Zenica, 16.03.2022. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 25. Uredbe sa zakonskom snagom o ustanovama („Službeni list Republike BiH“, broj: 6/92, 8/93 i 13/94), a u vezi sa odredbom člana 23. Pravila Javne ustanove "Dom za stara lica Zenica" Zenica, broj: 01-35-293/14 i broj: UO 01-35-229/21, u postupku izbora i imenovanja jednog člana Upravnog odbora Javne ustanove, Gradonačelnik Grada Zenica, objavljuje

**OGLAS
za izbor i imenovanje jednog člana Upravnog odbora Javne ustanove
„Dom za stara lica Zenica“ Zenica**

Objavljuje se Oglas za izbor i imenovanje jednog člana Upravnog odbora Javne ustanove „Dom za stara lica Zenica“ Zenica.

Mandat člana Upravnog odbora koji se bira ovim Oglasom traje do 06.01.2026. godine, odnosno do isteka mandata predsjednika i člana Upravnog odbora Javne ustanove „Dom za stara lica Zenica“ Zenica čiji su mandati u toku.

I OPIS POZICIJE

Upravni odbor Javne Ustanove „Dom za stara lica Zenica“ Zenica ima sljedeće nadležnosti: donosi Pravila ustanove; imenuje i razrješava direktora; utvrđuje godišnji program rada; utvrđuje planove rada i razvoja; donosi finansijski plan i usvaja godišnji obračun; donosi opće akte utvrđene zakonima i pravilima ustanove; ocjenjuje rad direktora; rješava sva pitanja odnosa sa osnivačem; odgovara osnivaču za rezultate rada ustanove; odlučuje o prigovoru radnika na odluke i rješenja koja je donio direktor, a kojima se odlučuje o pravima, obavezama i odgovornostima zaposlenika iz radnog odnosa; podnosi godišnji izvještaj osnivaču o poslovanju ustanove i o investicijama; odlučuje o statusnim promjenama, promjenama djelatnosti ustanove i sjedištu, uz saglasnost osnivača; odobrava formiranje cijena usluga; imenuje i razrješava stručni organ i privremene komisije i druga radna tijela; donosi poslovnik o radu upravnog odbora; vrši i druge poslove u skladu sa zakonom i pravilima ustanove.

Kandidat za imenovanje na poziciju člana Upravnog odbora mora ispunjavati:

- opće i
- posebne uslove.

II OPĆI USLOVI ZA IMENOVANJE:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjenje pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni-finansijski interes u ustanovi u čiji se upravni odbor kandiduje,
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije član ni u jednom upravnom ili nadzornom odboru ustanove, odnosno privrednog društva sa većinskim državnim kapitalom, te da nije član odbora za reviziju,
9. da nije direktor ustanove,
10. da nije osuđivan za krivično djelo,
11. da nije pravosnažnim rješenjem kažnjavao za prekršaje nespojive sa dužnošću u upravnom odboru, niti mu je izrečena zaštitna mjera zabrane obavljanja aktivnosti u nadležnosti upravnog odbora u posljednjih pet godina od dana pravosnažnosti rješenja,
12. da nije stariji od 70 godina na dan imenovanja.

III POSEBNI USLOVI ZA IMENOVANJE:

1. VSS - VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
2. najmanje 3 godine radnog iskustva u struci nakon sticanja visoke stručne spreme,
3. sposobnost za savjesno, odgovorno i odlučno obavljanje upražnjene pozicije,
4. sposobnost nepristrasnog donošenja odluka,
5. komunikacijske i organizacijske sposobnosti,
6. sposobnost tumačenja ekonomskih i pravnih analiza i propisa, osobito iz djelatnosti organa u kojem se kandidira na upražnjenu poziciju,
7. rezultati rada ostvareni tokom poslovne karijere,
8. preporuke ranijih neposrednih rukovodilaca.

IV POTREBNI DOKUMENTI:

Svojeručno potpisana prijava kandidata treba da sadrži kraću biografiju, adresu i kontakt telefon.

Uz potpisanu prijavu treba dostaviti:

1. diplomu o završenom obrazovanju,
2. dokaz o traženom radnom iskustvu nakon sticanja tražene stručne spreme (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne starije od 6 mjeseci),
4. ovjerene izjave kandidata o činjenicama nabrojanim u tačkama 3. do 9. Općih uslova iz Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojim se dokazuje ispunjenost Općih uslova za imenovanje iz tačke 10. i 11., odgovorni javni službenik će zatražiti od kandidata koji bude predložen za konačno imenovanje. Kandidat koji bude izabran dužan je dostaviti tražena uvjerenja u roku od 5 dana od dana izbora i ista ne smiju biti starija od datuma objavljivanja Oglasa.

Dokumenti koji se prilažu uz prijavu na javni oglas moraju biti originali ili u ovjerenoj kopiji.

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu obavljanja intervjua.

Prijavu na javni oglas, sa svim traženim dokumentima, potrebno je dostaviti lično ili preporučeno poštom na adresu:

GRAD ZENICA
Služba kabineta Gradonačelnika
Trg Bosne i Hercegovine broj 6.
72 000 Zenica,
- Komisija za izbor -
sa naznakom:
"Prijava na Oglas za izbor i imenovanje jednog člana
Upravnog odbora Javne ustanove Dom za stara lica Zenica
- NE OTVARATI"

GRADONAČELNIK
Fuad Kasumović